

陵水縣志



乾隆癸丑年鐫

陵水縣志

本衙藏板



陵水縣志卷之二

建置志

城池

公署

學校

橋梁井渡附

坊表

帝王啟土設邦無非為國與民則建置尚矣書云有備無患脩美大於藩垣城池其首也官守有解公署次之興賢育才政之先務而居之必有其學校次之修水利以資利涉養民於以不窮次橋梁而以井渡附焉勸民興行而坊表必設所以樹

陵水縣志

卷之二

之風聲共鼓舞于

德化莫非營建中事也作建置志

城池

自唐武德五年析置陵水縣即宜有城志無可考明洪武甲戌年立於南山港由塹用木柵永樂戊戌年指揮張恕請遷今治砌以磚石據府志正統元年知府程瑩請遷南山所千戶城永樂間指揮張恕督建之周遭三百四十四丈高二尋二尺廣尋有五尺雉堞三百九十九鋪八闕



門四上各設板濠池周四百九十七丈廣三尋一尺深尋有二尺成化戊子年指揮舒翼千戶王玉復增高尺許塞西門南山所亦隸焉歷年既久樓堞頽圯迨

凶朝康熙癸丑年知縣高首標修葺城復完固

公署

縣署唐始立於陵水肖博吉村宋因之元初遷南山頭皇慶間遷龍頭村後遷港門明洪武二年沿址建設三年署縣事之萬寧縣丞湯良弼竣

其事縣丞主簿缺於是裁正統五年知府程瑩以治斂於寇奏遷南山所城東隅成化二年副使唐彬遷於所城之北南向嘉靖二十四年燬知縣莫汝俊請遷於海南道署之左即今治東向

國朝康熙十二年知縣高首標重修補建吏舍乾隆五十一年知縣張允熹重修二堂并兩廊吏舍五十七年知縣瞿雲魁修大門儀門及甬道改建土地祠於大門內之左

教諭署在學宮內

典史署在縣署右

寶停巡檢司署在寶停原隸萬州

國朝乾隆三年改屬陵水

申明亭在縣傍久廢

陰陽學在舊縣址北久廢

醫學在舊縣址西久廢

南豐倉在縣署西久廢

預備倉在縣署南久廢後改建署東

府志及舊志俱云在署西

陵水縣志

卷之二

三

誤一座五間知縣李聘增二座各三間又一門

內倉三間知縣張允熹移建署東

社倉在署東

海南道分司署在縣署南今為關帝廟

烏石驛在烏石鄉久裁

舖舍八烏石田頭牛頭嶺大寨

學校

儒學在城北門內東向宋建於那亮鄉元縣屢遷

學亦隨之明洪武三年署縣事湯良弼右港門

舊址初建殿堂齋垣具備景泰五年萬州知州
王鐸重建正統五年隨縣遷於南山所城東成
化八年副使徐集建殿廡櫺星門戟門兩齋饌
堂號舍外門諸制克備宏治十八年燬於黎寇
嘉靖三十七年知縣安敏遷於桃油離城遠且
隔大河隆慶五年知縣譚汝讓議遷城中西南
地不果行萬曆元年副使陳復升定議遷於城
中鎮撫司舊址十年知縣周文仲建名宦鄉賢
祠於儀門左右

陵水縣志

卷之二

四

國朝順治九年復燬於寇康熙七年知縣張鳳徵建
正殿及兩廡二十三年知縣楊來鳳遷於今所
建正殿兩廡儀門雍正七年知縣蔡書紳修明
倫堂乾隆三年知縣陸繹建 崇聖祠并櫺星
門泮池照牆十七年知縣張暉改建 崇聖祠
於明倫堂後并補筮義路禮門額三十七年知
縣李思舜教諭梁肇文倡議捐修四十年知縣
王堂繼之未就四十七年知縣袁維豐率眾捐
修邑人監生鄭學華出千金重修 大成殿兩

聖祖仁皇帝御書萬世師表

世宗憲皇帝御書生民未有

皇上御書與天地參匾額恭懸

大成殿五十七年知

縣瞿雲魁重修明倫堂

名宦祠在大成門左祀明兵備副使姚履素知縣

袁達吳道亨

鄉賢祠在大成門右祀明吏部尚書廖紀

學租康熙二十三年庠生汪斌捐田二頃七十三

陵水縣志

卷之二

五

畝八分七厘坐落屯前古樓二處歲收糧米銀

五兩四錢四分儒學經營又租米一十八石八

斗以爲師生膏火再學租牛塘田五十五畝六

分七厘儒學經營歲租銀六錢一分二厘移縣

解府轉解學院支給貧生

社學一舊志載明成化間置俱久廢

義學在城東隅

國朝雍正三年知縣冷峻暉建已廢

順湖書院在城東

國朝乾隆二十年知縣顧芝倡捐建立二十八年知縣趙振鐸率紳士捐銀一千一百兩置產收租以克膏火邑例每銀一兩折錢七百故所捐之數如之日久經理不得其人遂有侵蝕五十七年知縣瞿雲魁爲之清理每年僅有租錢五十八千九百四十文其餘園地亦皆荒蕪查取各契粘卷存縣計其租錢不敷師生膏火爰捐廉俸延師督課俾諸生得以在院肄業惟望邑人士爭相砥礪以冀儒風日上也所有契載田園

舖屋租數列後

譚昇利園坡土名大寧坡價三十兩今王大進耕每年租八百文

陳福生蔗園土名岑頭坡價五十兩今林成夫耕每年租四百文

馮俊成坡地土名放馬坡價十八兩今杜文光耕每年租四百文

薛君敏田一項土名牛頭塘價一百七十兩今馬尚仁耕每年租六千二百

十文

周元仁田一項價九十兩今王在文耕每年租二千五百文

梁廷材舖屋一間價二百四十五兩今為和益號每年租二十千文

陳曰書舖屋一間價二百二十兩今為兩記號每年租九千六百文

伍致名舖一間價二百兩今為陳盛號每年租一十六千文

五里亭舖地租三千文

以上每年共收租錢五千八百四十四文

鄭明金蔗園一所價五十兩

王兆萬蔗園一所價八十兩

王朝英蔗園一所價五十兩

陳 幼蔗園一所價三十兩

周榮高坡地一片價二十五兩

江時運荒山坡一片價一十六兩

湯 武坡地一片價六兩

以上各園地現在荒蕪無人耕種

橋梁井渡附

朝陽橋在城東濠上明萬歷八年千戶龍梳修

歌薰橋在城南濠上通衢

迎恩橋在城北濠上通衢

大廣橋在城北十五里大井溪上

國朝乾隆五十三年知縣張允熹典史湯松率紳
建

葭水縣志

卷之二

八

大寨橋在城東北十里大寨溝上官道通衢

土橋在城東北去河三里今廢

石賴橋在城西南五十里官道通衢

游龍井在順湖書院前教諭高星開邑人廿之

城隍廟井在城隍廟大門內

倉前井在預備倉前

仙人泉井在南門外去三昧寺二里水極清味不

減郡城蘓公泉舊志不載

國朝乾隆年間知縣衛晞駿與同官修禊於此

北斗宮井在北門內

大河渡在城北里許即博吉渡已廢

國朝乾隆五十七年知縣瞿雲魁修造渡船二隻清查渡產券卷鈴印存縣歲收所入以為渡夫工食及修理渡船之用公舉紳士經營立碑以志所有田舖租數暨紳士姓名列後

一田十坵土名蓮塘每年租禾三十担

一田五坵土名蓮車每年租禾三十八担

一田十五坵土名瓦灶坵每年租禾三十二

陸水縣志

卷之二

九

担

一舖一所坐落新街每年租錢十二千文

乾隆五十七年六月監生陳季麟新捐田三

十坵在提蒙村前每年除佃戶外收租禾六

十餘担 又高墓記埔仔田一項共十坵

經理紳士黃際隆黃際昌鄭之珽劉冕執鄭

學仁

加攝渡在城東北三十餘里牛嶺之北漲甚險

必二文筆塔在東門外離城三里鎮虎鞭塔在南

門外

坊表

興賢坊在學東久廢

育才坊在學西久廢

凌魁坊在興調鄉為舉人陳初立久廢

煥雲坊在那亮鄉為舉人曾忠立久廢

進士坊在城北明宏治間僉事金鐸為廖紀立久廢

廢

養濟院在城北門外

陵水縣志

卷之二

十

國朝乾隆三十二年知縣陳名儉捐建牧養孤貧乾

隆五十七年知縣瞿雲魁重修有記載藝文志